

五大洲述界錄

一函
四冊

五洲述異錄卷四

字辨

吳縣蔡林舊主偶輯
上海曠觀仁史校字

近世科場凡遇添注塗改數目皆以多筆字代之以防改易之弊如一至十等字代以壹貳叁肆伍陸柒捌玖拾是也至以千代千以陌代百散見於諸書者亦所在多有相傳謂始於宋尚書開濟因錢穀之數用本字則姦人易於改竄故代以此然則多筆字亦已用之然其中意義亦有可以相通者如鴈鴈序刺不壹也而正文則曰其儀一分是一與壹通也孟子市價不貳趙岐云無二價也本文用大貳字注用小二字是二與貳通也易繫詞參地兩地而倚數釋文云參音三是三與參通也又宋人袁文云十千為万蓋万本數目正字而萬字則蠲類二字義本各別惟錢穀之數懼有改移故万借作萬耳然詩書中如萬市有罪萬福攸同之類凡十千之万俱已作萬至今遂相沿而用之是万與萬

通也。項籍傳贊引過秦論起阡陌之中，史記作千百，則千百與阡陌通也。又後梁天監中，東錢以八十為陌，西錢以七十為陌，沈括云陌本百字，借陌字用之，如什與伍也。合而觀之，則數目用多筆字，自古已然，具非始於開濟可知。至卅卅字，或以為俗書省文，而不知非也。按說文云，卅音念，二十之并也。卅先合反，三十之并也。卅先立反，四十之并也。是此數字正古文也。國語行玉卅穀，正作卅字，其非俗書可知。史記載秦始皇碑，皇帝臨御二十有六年，洪容齋謂應作廿有六年，蓋其碑文皆四字句，更還易為二十六年，有故獨此句成五字耳。世俗又有以念字作二十者，不知出自何典，此則無稽可考。然由此類推，往往有流俗以為正書，而實字書所無者，如銜作𠂔，蹤作蹤，匡作𠂔，之類是也。又有流俗有為俗書，而實係本字者，如禮作𡇗，處雅作𡇗，爾作尔，號作号，叔作𡇗，之類，皆古文正字也。第不宜用於應試耳。又如棄之為弃，饑之為飢，棋之為碁，樓之為栖，筍之為笋，個之為个，亦正文也。至於實係俗書不可用者，如巧言為辨，文子為學，又寸為對，言几為譏，尺二為盡，广戶為廬，口王為國之類，此則

真俗書而為學者所當辨者矣

金陵客述

金陵出朝陽門數十里地名東陽小村落也有綠牡丹數十本昔在一故家院中相傳純廟南巡時聞其異翠華為之臨幸土人以其曾經御覽也不勝護惜有欲移植他處者雖百方補綴終不一活於是藉藉然神為仙種亂後花遂零亂於荒榛瓦礫間而茂稠如故一移輒死村人不得已就其地繚以長垣近有見之者謂花無他異色正如綠萼梅蕊間有小瓣邊皆作金色而已離東陽十餘里有花山山不甚大而有戒行方丈江左言叢林者必以花山為巨擘相傳大雄殿之磚瓦皆以銅為之耳食者莫知其創造之始亂後壯麗無存而招致游方僧給發度牒傳衣鉢一如當年氣象山植牡丹冠絕南中芍藥尤盛不讓金帶圍山之巔有龍池池畔有小寺祀龍欲觀龍者先焚旃檀於池上寺僧為之拜跪祝告即投鉢於水中少頃蜿蜒者自游伏於鉢內僅四五寸舉鉢出水任人玩視且可摩弄於手掌之上不為忤龍頭方深目當角處隱隱有黑

迹鱗爪皆備金黃色冬時最盛夏則否池水不凍不涸龍出入雖不以風雨然寺僧咸能識之也相近有鎮曰龍潭又有代子洲皆倚堤為固歲久堤失修入夏輒成澤國上年左侯相徇洲人築堤之請委許穀卿太守董其役設總局於龍潭之眼香寺今三月寺有香會之舉四民具集忽有昂頭舞爪者鉞走於庭下衆譁而驚有識其似上年堤次所現之法身者於是折葦為槌而祝曰如大王也者請上葦槌稍留衆人結香火緣果蜿蜒而上供之神座前共見其頭方爪五與龍無異莫不肅然起敬拜手稽首以答神庥太守深感神靈默佑故事半而功倍擬臚列事蹟為請立廟以經費支絀未之果也先是數年前水大至人畜遺徙不及遙見有黝而長者長數十丈橫截水中水不為之內汜一時共許廟祀事既定廟工未半而止越歲又水衆方護堤堤急矣忽有法身現于堤上危者為安又許廟祀未幾為首之某董事物故工又止去夏一日大雷雨以電有龍黑色者首飲於江跨某董事之屋橫數十畝須臾雨霽屋為平地蓋神不欲以廟要人人亦不敢復以廟許神也然太守為朝廷命官許又太岳之

胤龍之見也。夫所謂惟君裁之而已。銜杯剪燭。聽客述其所見異辭。所聞異辭。幾如魏文侯之聽樂而忘倦於其去也。爰此筆而雜誌之。

纏足二則

女子以纖足為美。猶楚王之好細腰也。好尚所趨。繡閣瑰姿。金閨玉質。莫不好為修飾。爭自濯磨。務使笋屐棱尖。蕉心簇緊。以為非此不足以飾美觀也。更有巧為增美者。刻蓮瓣為高履。雜檀屑於弓鞋。矜襯玉之羅慳。擅銷金之樣窄。翹然如解結之錐。美則美矣。其如束者之苦何。楊某流寓粵中。自列為衣冠中人。買一少妾。美而艷。惜其裙底雙鉤。所包者廣。遂促僕婦購猴骨煎湯。使濯妾足。復於束帛之內。置磁粉縛之。不令稍鬆。妾在妙齡。筋骨柔脆。厥足用傷。痛楚不堪。仍不使脫。背地暗泣。而楊不知也。一夕僵卧錦衾。香魂化去。呼之不醒。已潛歿毒逝矣。

世人競尚纖足。豈知西施之響屣。太真之錦襪。潘妃之金蓮。貼地洛神之羅襪。凌波古之美人以足稱者。何嘗有矯揉造作於其間。李白詩云。履上足如霜。不

着鴉頭襪洵不失天然本色也。自宵娘以帛纏足作新月形始為作俑。故後世女子多效之。然嘗讀杜少陵詩有云：鈿尺裁量減二分。碧琉璃滑裹春雲。五陵年少欺他醉，戲把花前出畫裙。又白樂天詩云：小頭鞋履窄衣裳，天寶近來時世妝。似唐代已盛行纏足。不始自李後主始特以宵娘而纏帛愈小耳。今此風粵東尤盛，而好之者更有甚於錫鞋之癖。某富人買二少妾，年俱十三四歲，一名達姑，乃南湖別墅之小家女也。嫌其雙趺未纖，雇一僕婦專與二妾纏足。僕婦速於求効，以藥煎沸湯乘其盛熱捉其足而浸之，妾負痛而號，則坐而按之，使不得脫。筋骨皮肉為湯所傷，雙足腐爛，猶緊縛之。醫者不愈，臭穢至不可聞。富人遂以妾給還其母，妾歸未幾，雙足盡脫，遂成廢疾。行動須人背負，不幸其母忽逝，家無人而赤貧，惟依其外祖母藉針工以度日。如富人者可謂愛花而不知惜花矣。

哀英將軍戈登文

嗚呼威揚樓櫓西士傾心魂，返輜輶南州墜淚長風破。萬里浪壯志幾人，大星

隕五大原。英靈何處丹心九轉。共戈鋌甲仗以同輝。碧血一噴。垂竹帛旗裳而
不朽。如英故將軍戈登者。戎行敵愾。奮勇捐軀。瞻望歐洲。將才凋喪。不禁為之
長太息焉。當我朝咸同之季。髮逆披猖。荼毒蒼黎。機槍橫起。中原諸郡亦既
賴皇威赫濯。次第肅清。而瀕海之區。凱歌未奏。虜情險詐。行將據為逋藪。要
結海寇。肆其憑陵。於時薄海同仇。皆有戰志。美將華爾。首以洋槍陣法。召募精
壯。簡帥成軍。長勝之師。冠乎諸部。嗣法國伯理璽天德。復簡提督卜羅德。航海
南來。壁壘一新。士氣大振。徒以妖燄方張。宣防失利。先後臨陣。陷身異域。孤臣
裹屍馬革。卹存贈殛。典禮優加。英廷感念同盟。戈登君遂拜助援之命。斯時也
前鋒白羽。令肅。卹校小隊紅旗。歡騰草檄。未幾而賊氛淨掃。寇黨蕩平。驅萬竄
之貔貅。羣酋鼠竄。列千軍之鵠鶴。我卒鷹揚。奏捷遙陳。賞功無忝。大皇帝嘉
其忠勇。賚以崇銜。頒賜寶星。渥承異數。爰整師旅。返命英廷。飲至策勲。復邀職
守。迄今垂二十稔。其豐功偉績。方外人士。稱道弗衰。洎光緒乙酉之歲。為英一
千八百八十五年。英廷以邊陲亂黨。師老無功。特問重臣。俾資條議。戈登君心

懷報稱慷慨誓師中謂傳檄倫敦檄師埃及底定境宇指顧可期何意疆寄未
安干城先墮鯨吞氣壯空懷去日之聲威雖近歌哀無復歸來之消息英廷以
者碩就義震悼滋深飾終之儀至為美備復命創設醫院立像昭示激烈一時
芬芳千古嗚呼人士了蓋臣事業雄風悲鳴柩之聲望洋虛大將丰臺壇雨黯
畫旗之彩倘得一涉滄溟重尋故跡臨空洒淚憑吊歎歎我知忠魂未泯浩氣
常新來格來歆斯因不昧將見洪濤巨浪中白馬素甲彷彿有颯爽英姿乘風
來去矣

空谷傳聲

意大利國有宦家子某閉戶攻書優游卒歲而於程途之遠近塵俗之隱微則
曹如也日者以課餘之暇策騎入山馬勒驕嘶羊腸屈曲藉以托煩襟豁塵目
心神倍覺怡爽乃復遊未已而夕照銜山急掉馬首繞道言歸時則暝烟漸暗
淡月未升忽聞山鳥格磔與馬蹄蹀躞聲相和幾不辨路之東西因沿途問訊
大呼曰此間至某處是由此遂去否有聲應曰此遂去少頃復問答如前隨坦

然不疑鞭馬疾馳。俄而大河前亘。昏黑中亦莫能辨。人馬並落河中。幸乘騎彪健。鳧水而渡。未遭滅頂。迨遠達彼岸。泥水淋漓。人畜俱憊。踟躕中宵。家門終無由抵。忍凍待日。覓路以歸。告其友曰。昨宵被路人給。屢頻於危。思之可恨。友乃詳詞始末。訖謂是處余嘗涉歷。及之亂山險巖。四無居人。安得有為君指迷者。某更歷述如繪。友曰。噫。此乃空谷之應聲耳。凡峭壁之下。幽壑之中。均能人云亦云。無響不應。某猶不信。一日友偕赴山中。屢試不爽。其始恍然。夫笑。西報紀之如此。可為訖誇傳中添一笑話。

地震先兆

光緒十三年西曆三月間。意大利國池北數省。地震成災。人畜死傷。房屋傾倒。彼都人士。啼飢號寒。林棲而路斃者。淒涼情景。慘目傷心。幸有善士竭力籌捐賑濟。被災黎庶。漸慶生全。據謂未震之前。有先兆焉。亞拉西奧濱海地方。凡地震三次。每次海潮先湧。高至二丈八尺。有奇。奧乃利亞地方。則有塵埃烟霧。直達雲霄。若高柱一枝。自半天垂下。先起南方。後至東北而散。海中又見一水柱。

晶瑩矗立須臾則如水龍噴水飛激空中柱變弓形而散亞基地方於未震前
合地馬牛犬豕雞鶩籠鳥皆作哀鳴至將震之時鳴聲愈大而急直至既震而
止以上諸兆必有至理存其中想博物諸名家必能洞悉精微不至解人難索
也

急智

德國致仕大學士律士麥公為人優於智略久為眾望所推所崇晚節作事太
剛不無微瑕之可議然觀其軼事亦可見公之機警固有非他人所及者公林
無事日者與一友作收獵之遊遂攜手鎗涉水登山以尋鳥獸詎其友偶然失
足致陷泥淖之中愈陷愈深行將滅頂極口呼公援救公念汚泥甚深若往救
之勢必與之俱斃乃語其友曰君既陷於淖吾勢不能相救此固君之命限應
死於此夫復何言但君淹斃於泥中死亦殊苦無已姑為君一盡朋友之情以
送君速死君其伐而勿動俟吾放槍將君擊斃猶勝陷於泥內死且多艱也友
聞此語不禁狂呼曰君真癡耶吾陷泥中不但不為救援且欲致吾於死耶請

即來救幸無多言公笑曰吾不能救君之身但能救君之靈魂耳言已即舉槍擬之并呼云君幸無少動俟吾槍擊中君額庶得速死倘擊中他處則不免遲斃且誠痛楚難堪也言已即舉槍作審諦狀然又不即放友見此情形急不可解而左騰右閃已忘其身泥淖之中幸忽持得樹根一株即乘勢騰起遂出於險因深怨公之不良公至是乃笑慰之云此正吾之所以救君耳然吾若下污泥而援救則不但君不能出險即吾亦將不免故特聯用此計使君急不可解夫人至急極則奇力遂生此有不期然而然者而遂竟能出險也不亦善乎友聞此語為之恍然因改容謝公歡笑而散

歐地桑創電氣機器記

美人歐地桑本美國密良府產。生於西歷一千八百四十七年。即我朝道光二十七年。幼甚貧。幾難自活。初學裁衣匠。繼習燒鍋業。十一歲離鄉背井。遠游至加拿大。一帶。手攜筠籃。中置零星雜物。如自來火等。沿村喚賣。即華語所謂火石擔類。小本生涯。差堪糊口。然託業雖微。頗勤於學。每有餘暇。輒展卷披吟。

較之古人之負筆而耕帶經而鋤同一致功未幾學漸博於化質一道尤多心得遂購雜質試行燒煉不意稍有疎忽火即乘機竊發家中所有盡付焚如由是咄咄書空一長莫有窘鄉重入無計解圍時適墨州南北構兵風鶴傳來勝負不定鄉村城市惟兵事之欲聞歐因摒擋一切開一小報館紙長尺有二寸寬半之將戰場近似情形隨聞登錄時復鋪張揚厲聳人聽聞鄉愚不察見其報之價廉物美爭相購閱一時風傳遐邇紙貴洛陽故歐地桑鴻名大震蠅利豐沾繼而擴其規模改設為大報館臚陳時事記述近聞披而閱之能令人遣懷解悶銷場更暢利路益宏不數年而與猗頓陶朱富堪頡頏他人處此未有不揚揚自得不再有志於功修歐獨不然粹掌研心依然不辭劬勤平居知電氣一物為用甚宏馳勉研精思得其法至艱於索解處歷六十下鐘之久不食不寢潛心道藝之場專志篇章之固精神所積金石可開久之而會其通遂創設電氣製造廠所製電線電機電灯電箱等件推陳出新別具奇巧精靈之概其中電燈一物傳行最盛不久而遍於美國獲利至英洋一千萬枚之多既而

接到新興縣舊明府移文。內開移解入貢荔脯九十二篋。並貢費銀六百兩云。云。包明府派撥巡船丁役護送前往。三水縣署交替趕程。晉省解交督撫憲轅驗收。派弁起解赴都進呈御用。國朝方物之獻。體恤民艱。不取其鮮。而取其脯。較之漢和帝時。嶺南獻生荔十里一置。五里一堠。晝夜傳送。與夫唐時南海貢荔。七日七夜至京。而色味未變。人馬多疲者。不止霄壤之殊。可謂德邁前王。恩周粵嶠矣。

說荔

唐時荔枝由蜀進獻。故有一騎紅塵妃子笑。無人知是荔枝來之句。蓋唐都長安。川中入貢較近也。然攷之蔡君謨荔枝譜。荔之所產。閩廣尤勝於西川。故東坡蜀人謫宦南海。啖荔而美。詩云。日啖荔枝三百顆。不妨長作嶺南人。可知廣荔之勝蜀。國朝責貢從寬。非前代所可及。然各省畢獻方物。以媚一人。有不敢不輸片曝之誠者。粵之土物。橙貢而外。復有荔貢。橙貢以鮮。荔貢以脯。以荔鮮不能致遠也。荔之貢者。產於肇屬之新興。大如指頭。而畧長。核小如豆子。鮮

食之色香味較勝常荔入貢者晝曝以烈日夜焙以微火俟其乾則色而篋之以匭遣使貢於內廷惟士物愛也新興邑令每歲辦貢定有專章前月十七日該邑令飭差稟報肇慶府客謂因今春陰雨連旬荔花雖繁結實則少現當荔子方熟約計屬內荔枝僅得四五千觔不足辦貢之數云云未知府中作何批答也

豐湖修楔

豐湖為惠陽一郡名勝近附郡城西平湖門數步之外以在城之西故又名西湖蘇文忠公寓惠時以其不減杭州西湖之勝每流憩於此人贈以詩云知君到處有西湖蓋指此也昔人云倘此地不湖則萬眾可屯惠城為受敵地是湖實為一城保障則又不特可供游覽而已湖水清澈竟可見底大江之水通焉邇者春水當生如萬頃玻璃環繞諸山山色湖光互相蕩漾登臨凝眺足以盪吟胸而滌塵慮湖中有紅棉水榭及花墩水心亭諸勝豐湖書院近臨湖之西南而寺觀廟宇四繞湖濱時人有咏豐湖句云四面湖光天上下六橋烟景塔

又得一法名曰福諾克拉甫。能將人之語言。貯於電匣之中。歷久不散。譬有人
在法京巴黎。取匣開門。言於其中。局寄中國友人。以通衷曲。友人如法開封。搖
其機。言即自匣中出。與面晤無異。是匣當始出時。人皆詫為怪物。各有戒心。迨
目觀其奇。耳聞其語。且悟其所以能然之理。則又嘆賞不置。爭相購取。近歐地
桑將此獨攬生息之權。售賣於人。得英洋七十五萬枚。至德律風一道。歐亦出
奇炫異。精益求精。總計其所設廠中。傭工役力之人。製運動活機者。六百五十
人。製自言匣者。六百人。製電氣燈者。五百人。製各種樹木器皿。以貯機器者。八
百人。鍊化學質者。一百五十人。婦女專製細巧手工者。二百人。併各廠經理諸
人大約得三千人之數。每人每日皆給工值。至少須法金十八佛郎。克約英洋
四枚有半。是以各傭人愛戴一心。忠於所職。今歐年僅四十三歲。而持躬接物。
長厚可風。雖家號素封。仍無絲毫豪富氣象。充其心思才力。操奇計贏。則事業
日上。蒸蒸日上。石繁華尚覺瞠乎其後也。

本草云鹿一名斑龍鹿與游龍戲必生異角鹿得稱龍以此述異記云鹿千歲而蒼又五百年而白又五百年而元漢成帝時中山人得元鹿烹之骨皆黑色仙家以元鹿為脯食之壽二千歲今世所見之鹿必非仙家所食年例所貢亦祇盛京一處昨由該省送到貢鹿十二隻皆係麋角生芝麋斑錯錦或眠於草或飲於泉或倚或騰或搭或嗅其高於馬其馴似牛方之青獺紫裾單衣黃練真幻立分妍媸各別對此飛毛雪灑列影冰浮皇上樂之旋發往南園畜養訖寢毋拂其性飲食毋失其時以備駕言出遊藉以賞心娛目夫鹿者獻瑞之獸今盛京所貢者十有二頭仰見王者孝道則至之休徵為不誣已

貢荔

荔為果中佳品嶺南當夏而熟有離明之象故為閩蜀之冠其中復以肇慶府屬新興縣產者為佳新興之荔較諸品差小核焦而色美香味過之推為貢品然入貢應需時日一日而色變二日而香變三日而味變恐不足以供玉食也故向例不供鮮而供脯荔脯之獻歲有常規高要縣包明府於月之初七日